



Broj: 10/E-11-5564/25
Sarajevo: 19-09-2025. godine

Na osnovu člana 10. stav (3) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), a shodno zahtjevu Službe za lokalno-ekonomski razvoj i mjesnu samoupravu broj: 11-45-sl/25 od 16.09.2025. godine, Opštinski načelnik d o n o s i:

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzimaju se usluge nabavke avionskih karata, vozni karata i rezervacije smještaja u Italiji, Reggio Emilia, za potrebe realizacija projekta „Longevity“, koji se provodi kao dio transnacionalnog programa Interreg EUROPE.

Član 2.

Procijenjena vrijednost za nabavku usluga iz člana (1) ove odluke iznosi ukupno 4.070,00 KM bez PDV-a, a sredstva su planirana u Budžetu Općine Centar Sarajevo za 2025. godinu, na budžetskom kontu: 613100 – Putni troškovi (projekt Longevity 1.7.1.12).

Član 3.

Ova Odluka odluka stupa na snagu danom donošenja i bit će objavljena na službenoj stranici Općine Centar Sarajevo.

O b r a z l o ž e n j e

Služba za lokalno-ekonomski razvoj obratila se zahtjevom broj: 11-45-sl./25 od 16.09.2025. godine, za donošenje odluke o izuzeću od primjene Zakona o javnim nabavkama BiH za usluge nabavke avionskih karata, vozni karata i rezervacije smještaja u Italiji, Reggio Emilia, za potrebe realizacije projekta „Longevity“, koji se provodi kao dio transnacionalnog programa Interreg EUROPE.

Nabavka se vrši u skladu sa članom 121. Uredbe Evropske komisije (718/2007 i 80/2010), kojim je propisano da se postupci nabavke koji se realizuju van teritorije Evropske unije, a finansirani su sredstvima EU, provode se u skladu sa PRAG pravilima realizacije nabavki.

Projekat se u cijelosti finansira iz sredstava Evropske unije kroz Interreg Europe program.

Procijenjena vrijednost nabavke iznosi 4.070,00 KM bez PDV-a.

Sredstva su planirana u Budžetu Općine Centar Sarajevo za 2025. godinu, na budžetskom kontu: 613100 – Putni troškovi (Projekt Longevity 1.7.1.12).

U sklopu projekta planirana je nabavka usluga – avionske karte, vozne karte i smještaj u Italiji, Reggio Emilia zbog posjete i boravka članova tima za implementaciju projekta „Longevity“ u Reggio Emilia, Italija.

Predmetna nabavka će se provesti u skladu s pravilima Praktičnog vodiča za postupke ugovaranja u okviru vanjskog djelovanja EU - PRAG ("EuropeAid", 12.21, 01.23, 11.23 i 01.25).

Shodno navedenom, neophodno je, prije sprovođenja postupka nabavke, donijeti odluku o izuzeću od primjene Zakona o javnim nabavkama BiH, u skladu sa članom 10. stav (3) ovog Zakona, koji omogućava izuzeće u slučajevima kada se sredstva obezbjeđuju putem međunarodnih sporazuma ili projekata, a uslovi ugovaranja su definisani samim projektom i partnerskim odnosima.

Članom 18. stav (1) Zakona o javnim nabavkama propisano je da ugovorni organ pokreće postupak javne nabavke donošenjem odluke ili rješenja u pisanom obliku. Stavom (2) istog člana propisano je da, u slučaju izuzeća od primjene iz člana 10. ovog zakona ili kod dodjele ugovora o nabavci usluga iz Aneksa II., ugovorni organ mora donijeti odluku koja, osim zakonske osnove za izuzeće od primjene ovog zakona, sadrži i osnovne elemente iz stava (1) tač. b), c) i d) ovog člana.

Članom 10. stav (3) Zakona o javnim nabavkama propisana su izuzeća od primjene odredbi ovog zakona kod dodjele ugovora o javnoj nabavci prema međunarodnim pravilima, pri čemu je navedeno:

„U slučaju ugovora o javnoj nabavci iz stava (2) ovog člana koje u iznosu većem od 50% sufinansira međunarodna organizacija ili međunarodna finansijska institucija, ugovorne strane sporazumijevaju se o primjenjivim postupcima nabavke.

U skladu s naprijed navedenim, ispunjeni su uslovi za izuzeće od primjene Zakona o javnim nabavkama („Službeni glasnik BiH“, broj 39/14, 59/22 i 50/24), u skladu s članom 10. stav (3) navedenog zakona.

Analizirajući predmetni zahtjev, utvrđeno je da su ispunjene pretpostavke za realizaciju, odnosno da su finansijska sredstva za ove namjene planirana u Budžetu Općine Centar za 2025. godinu, na budžetskom kontu: 613100 – Putni troškovi (projekt Longevity 1.7.1.12).

Shodno zakonu i općim aktima Općine, Općinskom načelniku dostavlja se prijedlog Odluke o izuzeću od primjene Zakona o javnim nabavkama BiH na konačno odobravanje i saglasnost.

Cijeneći prethodno navedeno, kao i zahtjev Službe za lokalno-ekonomski razvoj i mjesnu samoupravu, broj: 11-45-sl./25 od 16.09.2025. godine, Općinski načelnik je donio odluku kao u dispozitivu.



Dostaviti:

1. Službi za LER i mjesnu samoupravu - ovdje
2. Kabinetu općinskog načelnika - Odsjek za javne nabavke
3. Službi za finansije
4. Evidenciji